

中華郵政特准掛號認爲新聞紙類 每月三期逢一日出版

民生救刊

中華民國十一年七月二十一日

第三十八期

▲本社徵文廣告

海內名家如有鴻著偉論發揮國計民生道德實業者無論著論譯論本社均極歡迎一經登載必有相當之報酬惟原稿概不退還乞注意

▲本社啓事一

本報除指定各機關外如承各界黨閥者祈先將報費郵寄或專訂以便按期寄送

▲本社啓事二

本報每月出版二期如有願登廣告者價極從廉用表歡迎價目表填附冊尾

▲本社啓事三

各界諸君有介紹本報告白者本社給予二成酬金但此項告白於交稿時須連同所需刊費交齊方准照登如關於名譽或其他重要事件者須覓保及介紹人完全担保以免糾葛



目錄

●選論

商業教育宜注重調查實習

(續第三十七期)

●國內要聞

反對大借款通電

法統維持會發表宣言

三角形勢之政局

張秋白痛責陳炯明

日對頭道溝匪患之藉詞

技術部仍不忘情於中東路

●來件

省憲制定前應研究之問題

(蘇質彬)

續第三十七期

●講壇

梁任公演講教育與政治

●談叢

縹緲零語

茜窗漫錄 (友梅)

二若村農聯話

●遊戲詩詞

時事雜詠 (天南吏隱遺稿)

●瑣聞

警察學生免除見習原因

法政考試新生改期

省立圖書館歸併

部令選用高師畢業生

催送軍事教練生



選論

●商業教育宜注重調查實習

（續第三十七期）

進而言之無論何種商業學校與商科等欲求學理與實際並重之目的關於學理方面茲姑勿論但就實際言之學生在學校中祇可求得書本中之智識而書本中之智識與商業之實在情形常常不相符合如是而欲學生於畢業後能應用於商界豈非甚難於是不得不於書本之外另用調查實習方法以求實用之智識惟如何調查與實習是所應研究之問題也調查與實習其目的均在求得實用之智識惟調查但就普通的而言如云調查歐洲戰後金融狀況調查上海商情調查天津金融機關調查某地之某業或某種之物價等等實習與否雖有時亦兼有調查性質但注重於在一特別之某種商業機關內研究其組織管理並實行辦事今日我國之情形商業出版物寥寥無幾各種統計材料更不完備卽有之理亦不能代表事實故無論調查何項

事件均甚困難若就商店實地詢問則彼等多守秘密致不能得其真相若用書信詢問法則多不得回復如此調查實習實非易事在歐美先進國凡商業之公私機關多有出版物凡關於商業之消息無不備載故欲調查某種事項甚易爲力即徵集此類有關係之書報而研究之可也如欲就商店實地詢問或用書信詢問亦可收效至於實習在我國則尤感困難蓋一商店內容常因種種關係不輕以真相示人況我國個人設立之商店尤多商店情形不容外人闖問即從事實上言之更有中外各國同感之困苦凡在營業之時間人各司其事且彼此有連帶之關係設或中途詢問或代爲執行者事實上往往爲不可能也

如欲調查便利宜先求材料之豐富商業出版物在教育者雖不能自行創辦亦可從事提倡即商業之教師與學生等亦可試辦商界中固可爲傳播商業消息之利器在商業學生亦可爲調查研究之材料矣

至於實地詢問或書信詢問則必須先使一般商家明悉詢問之目的商業學生因欲研究起見故爾調查以調查之成績分析之考核之比較之然後歸納而得某種結果其中並無惡意且若能於此有所發明將來應用於實際轉能與商界以無窮之利益

以此論調極力鼓吹使之盡釋懷疑於是可達調查之目的矣

至於實際如欲獲得實在利益亦非破除前述之困難不可在教育者方面必先申明學生之實習專以研究爲目的並非窺察商店之秘密而妨害其營業此消極方面者也在積極方面說明學生在校祇可在學理上研究此種實習則專在實際上使學生獲得切用智識若能兩方兼有可爲商業上之完全人材將來服務商界必能於商業上有所裨益藉此以引起商家之信仰心而促其與學生以實習之機會也

在學生方面對於實習應行注意者則更有多端第一學生在校時有教師之教授而實習時雖有時亦有店中人員爲之指導但不能如教師之周詳此時則宜具自動的能力及研究的態度第二學生在校時關於訓育方面有職員之訓誡然有時亦發生不規則之舉動在商店實習時則無之自難保其無軌外行爲此事不但足以敗壞學校與學生之名譽並且妨害店中營業甚至發生重大關係最爲危險而不道德之事一經發生以後再欲要求實習必受商店之拒絕與實習前途頗有障礙況我國現在商學兩界尙未融洽教育者正欲藉商界之幫助以興商業教育而商界亦正試驗其造就之學生究能爲商界服務與否此時正宜設法溝通使兩方互相提携將來之進

步如何全在商業學生當此之際若發生上述之事則於兩界提携之前途大加挫折其爲害實非淺鮮也故實習學生當注重個人人格並具自治能力第三實習之商店無論其爲何種營業及規模大小必當自其大體上入手即應先研究其組織大綱然後再及其各部之事務分部複雜者當考其各部之性質不可掛一漏萬否則事業之全體不能了然又如店中之簿記規模宏大者帳簿多至數百本其他單冊表格等亦非常複雜必先就帳簿之組織從主要簿補助簿及記載之程序分類研究之然後如有機會再就一二種重要帳簿練習其記載方法庶幾帳簿之全體可以會通矣

調查實習之事久爲教育界討論之問題卽就近來學校無實施之效果論非視爲具文卽事倍功半惟各國教育界既行之於先加以研究覺關係亦復至鉅故就管見所及畧述一二以備留心此問題者之採擇焉

(已完)

國內要聞

●反對大借款通電

有正誼學會等三團體通電全國反對四路大借款云各省議會教育會商會工會農會律師公會報界公會北京天津上海漢口廣州各大團體均鑒北京政府假名統一濫借外債中東一路收回未久各國共管之謀至今未戢竟乃自啓禍門資爲抵押二千餘萬之借款朝成三千餘里之鐵路權夕失此國人所宜注意者一昔高徐濟順路約成全國大譁羣起討賊救國至於罷商未成之路尙不願賣已成之路更何待言今北京交長高恩洪一舉而棄已成之四路其賣國之豪何止曹陸夫漢浦奉綏爲北部僅有之幹線此而可押何異舉中國之大半委諸債權者此國人所宜注意者二九六公債爲北方政變直奉戰事之媒當時吳佩孚等以之攻人有辭振振一時世論許爲義舉今乃依樣葫蘆且尤甚焉國人如置不聞問何異不許別人賣國獨許吳佩孚賣

國九千六百萬公債不許張弧發行獨許董康耶此國人所宜注意者三昔袁世凱所舉大借款爲二萬六千萬一時羣論驚駭遂啓亂源蔓延牽率至今未已今計畫中之大借款竟有四萬萬之鉅十年以來人民擔負已多國家元氣已索彼等乃薄袁世凱而不爲是直以十年之亂爲不足復欲貽國民之禍於無窮也此國人所宜注意者四夫借債必以其道有合法政府則可借經國民之同意則可借受國會之監督則可借三者缺一卽涓滴歸公亦非法律所許而况軍閥分肥漫無稽核一舉萬萬足以亡國如今日者耶是願全國人民羣起反對爲較前更烈之運動以挽垂亡之國脈幸甚幸甚正誼學會進德同志會國事維持會同叩

●法統維持會發表宣言

旅滬舊國會議員於日前通訊處開會議決在滬組織法統維持會現已宣告成立除推定各股職員外昨特發表宣言一通原文如下中華民國之法統在創始開國之約法約法規定制憲之職權在第一屆正式之國會國會職權之行使議員資格之得喪皆根據於法律非何種命令所能支配我第一屆國會自被黎元洪不法迫散旋卽自由集會於廣州迭開非常會議正式會議憲法會議中經蹉跌改建政府付以討賊戡

亂之任至約法完全有效之日乃止約法完全有效云者義在實行主權在民之旨與民賊獨夫勢不兩立豈復容其假借僞託乃黎元洪以待罪之身忽承王家襄吳景濂等之私載纂竊總統僭行職權招致業已解職議員冒充國會是我輩護法之責任未盡而大盜毀法之技術彌工蓋明明毀法而詭稱恢復法統明明經濟調查委員而忽又自稱議員寧非視吾民爲易欺而以羣狙相待乎我旅滬國會同人第一次宣言書亦既昭告天下矣伏思中華民國開創於辛亥革命鞏固於臨時約法既不可自有法返於無法使國家永無寧日更不可認玩法爲合法使僉壬竊據政權某等受國民重託濫竽議席匡時乏力深用疚心然以法統不容潛亂名義不混淆真僞不可能並列未敢苟且遷就更滋亂源而貽後患爰集同人組織此會維強力方張習非勝是願我全國同志念國命之顛危維法統於垂絕力予贊助共挽狂瀾謹瀝血抒誠九頓首以告惟我國民實昭鑒之云云又聞該會事務所即設於愷自邇路國會議員通訊處內所有該處二樓前所設立浙憲協進會現已搬遷他往矣

●三角形勢之政局

北京通信云吳子玉回洛以後北方大局現成爲三角之形勢即黎曹吳之互相牽制

聯絡是也以曹吳之親逾家人父子乃以權利關係因競爭而猜疑因猜疑而漸露破裂雖當事者指天誓日自矢無他而空穴來風要之不能掩諱蓋曹三之於總統位置早不作第二人想此番曹氏左右攻吳最中要害者又卽爲揭發黎吳密約並無推尊曹三字樣之一點現曹吳雖形式上交情如舊實際上已大有伯勞飛燕各奔東西之感其中極有關係者仍爲張紹曾張之對於曹吳實抱萬分熱腸倒徐擁黎恢復國會無一非此君畫策之功乃吳氏心組志傲壹日孤行滿口罵政客而重要關頭莫非受政客之利用以致一盤好棋弄得額爛頭焦張氏身在局中匡政乏術日前由津來京見人輒咨嗟嘆息謂鄙夫不足與共大事聞其方針在緩衝於保洛之間仍專爲曹三效力到京之日曾訪王士珍而與王密切之劉思源亦時與張氏過從說者謂曹氏欲借重王龍之魔力圖北洋系督軍之團結以挽救吳子玉開罪於人之失是爲保定目下之主旨若其對於中央則勒電罵高恩洪迭電向董康索餉已露種種咄咄逼人之態憲假且將以辭色對待老黎是又不過時日問題而已黎知保定之非善相識也益與吳子玉結納所以金永炎孫丹林之徒飛揚跋扈於府院各處而黃陂終曲予優容對人慨曰子玉保我做總統蓋擁戴之恩固已藏之中心而再度當選之希望亦不覺

脫口而出矣吳子玉所最懼者爲馮玉祥上月忽有曹三擬以豫馮蘇齊爲中心重組新督軍團之謠吳故於急急返洛之途中邀約馮氏面加疏解昨日特派參謀長李濟臣來京表面爲江西問題實則與公府有所接洽聞吳之宗旨仍在練兵將以胡景翼靳雲鶚所部兩師兩旅合之原有第三師練成模範軍隊備將來鞏衛京畿之用胡部鎗械等等均特爲掉換新式靳之改師黃陂本不允許又復爲之說項遂得特別報司靳非曹家之一派胡則爲崛起之新軍收諸卵翼內中近可以示威馮玉祥遠可以備發展之需一面更保孫傳芳爲衛戍總司令以第二師調回北京孫因首倡迎黎之議黎對之當然非常感激保孫正所以媚黎又藉黎之力以打銷熊炳琦衛戍近畿之議此皆黎吳合串之新劇而在在予曹三以刺激者也所惜者黃陂左右至極複雜而此公意志力又至極薄弱親吳固非其一成不變之方針抗曹亦斷斷乎無此魄力饒汝祥陳宦固吳所深惡痛絕之人而以與保定有接洽之故依然爲白宮內部之有力分子將來以左右親曹吳之爭必且演成黎曹吳之連環惡感近來四川已迭遞投降之書雲南亦來有表示好意之電黃陂對於統一大抱樂觀惟一希望在以卑辭厚幣買得孫中山一派人之軟化即可端拱而爲太平元首不過都中識者僉謂時局之患不

在西南之不北附而在北方內部之隔閡日甚終不免有破裂之一日影響必且牽及於南北全部是固有據之言不能認爲杞人憂天也

●張秋白痛責陳炯明

昨有民黨張秋白致陳炯明一書其文如下競存先生鑒足下曩駐兵漳州時非但宣言護法救國且極意迎合世界潮流發刊閩星報提倡新文化一紙風行遐邇傾心世論足下不僅爲三民主義之健者且將爲中國實行馬克思學說者之先驅中外人士固已多有以中國將來之列寧視足下者矣吾儕忝屬同盟相期足下事業之向上自較他者倍切僕竊以爲孫公執政十年告老林泉提携吾黨海內外百萬同志任改造新中國之領袖者非足下而誰屬曾幾何時便捕竄閩星同人使之避死不遑世已不免疑足下爲一反覆無常之小丈夫然人猶能曲爲之諒也今竟背盟通賊禍鄉叛國致令北伐全勝之義師棄敵返戈數年來護法救國之大業幾敗垂成人之無良胡至斯極推足下處心積慮必欲一逞此逆行爲快者一則報復孫公罷免本兼各職之嫌一則欲攫得北洋正統下之僞副總統耳嗚呼中國列寧如此提倡新文化者如此誠不惟中華民族之人格及任何文化皆須破產僕更以爲此實全體人類之羞也吾聞

禽獸中有爲信義而犧牲身命者不聞人類中有因個人區區權利而背棄信義若此之甚者也有之自足下始足下寧甘禽獸之不如耶此僕所以爲人類羞更爲足下悲羞人類中有此禽獸不如之份子悲足下因一念之差竟至萬劫不復黨員叛黨魁僚屬叛元首以粵人搶掠粵人欲得副座而刦逐議員人方以足下開古今萬國叛逆未有之創局僕且以足下奸險誠或過人而愚笨則未免可憐北洋正統下無螟蛉子古今降賊者沒好下場吳佩孚可叛北洋系及徐世昌而足下不能叛國民黨及孫總統此言果何謂哉誠以北洋系與國民黨性質大異徐世昌與孫總統歷史不同該系本前清餘派保皇舊臣帝制罪魁復辟首領賣國黨徒失節學者等等萬惡軍閥官僚之集合體徐世昌總袁世凱馮國璋輩而爲之魁故吳佩孚偶叛之尙得倖邀少數人一時之謬譽今試問足下自叛國民黨及孫總統後無間恩仇譽之者幾人北洋系既爲害國病民私人之權利的結合吳固未嘗對於北洋系徐世昌若足下對於國民黨及孫總統宣誓必擁護之而服從之也故吳有背叛北洋系徐世昌之自由的權利而無擁護彼服從彼必然的義務足下與吳之歷史及所處之地位乃適相反况吳近方以維持北洋正統自任正所以嚴防異類之侵入也而足下却偏於此時輸誠降吳真令

人百思莫解足下與革命黨相依爲命垂二十年海內外人士前之所以重視足下者重足下有二十年之革命歷史也足下此二十年革命歷史之過程既爲人所重視而足下反自菲薄之眞所謂半生修之而不足一旦毀之而有餘人雖竊爲足下惜奈足下因利令智昏苦不自知何一言乎國命黨乃携持民族民權民生三大革命主義創造中華民國唯一無二之工匠也亦此十年來征討北洋系軍閥官僚維持民國擁護人民權利唯一無二之勁旅也孫總統卽首唱此三大革命主義創立此革命團體者足下昔曾因信仰此主義之結果而皈依此主義的首唱者所創立之革命團體且對之宣誓且日載在盟冊擁護主義服從命令爲黨員唯一無二之天職吳佩孚與北洋系則不然僕故謂吳無擁護北洋系服從徐世昌之義務而足下則無背叛國民黨與孫總統之權利也吳果能眞叛北洋系而投入革命黨彼猶不失爲善能改過自新之君子今足下竟叛革命黨而投入北洋系妄欲攫得不可必得之私人權利冒此天下之大不韙自陷清白之身於萬丈污池夫誰尙能爲足下諒者今而後假使足下被吳佩孚等擁之爲北洋正統下之大總統在足下視之或以爲此卽背順向逆所得之勝利而僕終視足下爲主於完全失敗永遠不可救藥之悲境也何者擒賊擒王論罪誅

心足下皆不能倖逃於天下後世之公論足下試思之六月十六日變後革命舊友爲足下捕戮竄繫者既衆北洋新知爲歡幾何海內外輿論對足下如此叛逆大業獎借幾許所獲得者果以何者爲最能償得此次躬行叛逆之代價嗚呼已矣僕祇見（足下自行取消對於人類之發言權）爲明公此舉最後所得之勝利與相當之代價而已正義不可悖公理不可誣奸風不可長獸道不可親順此者昌逆此者亡中國五千年歷史之綿遠四百兆民衆之繁殖其所以能繼續而不蔽者端賴乎茲今足下果欲恢復（對於人類原有之發言權）及國人素日相對之感情其速翻然醒悟雖不自殺亦必殺葉舉諸人以明懺悔之赤誠然後再統兵北伐立殊勳以酬謝國人夙昔原期足下之至意勿徒謂天下正義在吳氏北洋正統卽公理奸宄可以御世獸道眞能治國遂執迷不返而永世沉淪於畜牲道中雖足下不念革命舊友而諸舊友亦不能不以足下所陷之境遇爲可痛心也敬摭誠悃言不盡意張秋白拜

●日對頭道溝匪患之藉詞

東京訊聞島胡匪猖獗該地日本及朝鮮團體並領事分館屢請出兵外務省以歷來胡匪未襲卽行出兵及兵退而匪又來故一方拒絕其請一方請中國擔負維持秩序

之責目下正與中國嚴重交涉惟暫時由朝鮮調派警察若干名馳往保護再調他處警察以補朝鮮之缺額


又據京城電訊駐朝鮮日軍第七十五聯隊於四日由會寧出發配布慶源等交界隘口國境守備隊亦紛紛移動云


又訊此次之頭道溝遭馬賊襲擊事件因琿春事件之記憶尙留印象甚新故日本朝野大爲震驚政友憲政兩黨昨日各派代表會見外務當局報紙多主張當此奉直戰爭猶未了結之際又見此種事件固不堪同情但在華府會議中中國全權曾聲言當絕對保護外國居留民今日又發生此種事件中國政府斷不能不負責任東京時事新報曰倘事件再擴大日本當出於自衛處置故中國應向該地方竭力施適當之處置同時並須探索事件發生之原因努力改善糾紛之國情東京日日新聞曰日本政府宜負其責任對於中國政府就於我國公私之被害當提出公正妥當之要求云

●技術部仍不忘情於中東路

前日哈埠協約國技術部開會會長美國斯梯文司氏提議謂本年以來中東沿路之情形較之去歲愈形惡劣爲路產計爲僑民身家計請各代表電各本國政府調遣軍

隊聯合編制俾保沿線之治安時各代表皆無異議我屠代表遂宣言此項提議本席
尙有意見中東沿路之匪患本年實不如去年之盛如林場之被燬爲去歲所習見而
今年則尙未多見至此次盧匪之變亦既勦平雖餘孽猶存當不至於任其滋蔓雖圖
再者技術部之權限不僅對於中東一路如烏蘇里路之混亂較中東尤甚何不加工
預而獨指摘中東似欠公允云云惟斯氏已有成見卽亦不理案卒通過云







來件

△省憲制定先應研究之問題 (蘇質彬) 續第三十七期

(一) 權利思想發達說 中國由專制國家一躍而為共和國家其變遷最速其收效實寡元二年暴民專制激成軍閥專制茲已由軍閥專制漸趨於立憲時期雖無憲法遵守而權利義務之分配印入吾國腦內國會重開憲法為當務之急若仍因循敷衍久不制憲竊恐國家與機關個人與團體種種之組織關係難以周密其間權利義務必不真確知為正當之權利而故棄却之知為正當之義務而故違背之雖有約法徒成具文耳當憲法之內容即權利義務之分配欲分配權利義務必有權利義務之主體立憲時期正所以養成一般人民之人格而使之可為權利義務主體有確定權利義務之主體而後可謂真立憲故為吾民進一解曰今日地方欲圖自治非權利思想發達不可人所以可貴國之所以獨立皆不外此權利也人而無權利思想是曰非人


國而無權利思想是曰非國中國今日之急務亦貴以法律思想普及全國使人人尊重權利並研究法律謀所挽回補救之方而已大而一國小而一省權利思想逐漸發達雖已失之權利猶可犧牲一切以爭之况未失之權利即爲應得之權利人民爲地方謀自治之振興正所以尊重應得之權利若自甘放棄恥孰大焉然必如何而爲養成一般人民之人格必如何而始爲權利義務之主體確定此應研究者二（一）精密討論說 省憲及權利問題既如上述勢非集聚一大團體互相討論精密研究難期盡善如由少數人輕率起草既失慎重之至意尤有武斷之嫌疑同志中有見及此爰謀設一省憲討論會誠能多數贊同奮袂而起折衷羣言察納正誼以作大會之準備斯固吉省之佳象也或者曰正式國憲尙未成立今日省地方最爲急務者似不在省憲制若先定省憲恐招創立政黨之嫌是說也實不知政黨之內容政黨發生理應在憲法公布以後感時勢之要求而爲政治之運用憲法未制定前討論不遑何賴乎政黨可知造黨爲一事定憲爲一事歧途分流各不相生若疑討論省憲而爲政黨建造之基實不免因噎廢食此應研究者三 右列各項認爲交換討論知識作集思廣益之媒介也可認爲助長法律思潮以蕩滌紛歧之意見亦無不可凡我同志勿偏執一

詞勿拘泥成法提倡籌備機不可失知邀贊許當另擬組織大綱送請台閱藉資斧削
異日大會奏功未始非衆志成城之賜也知我罪我統祈諒之敢佈區區上塵裁察蘇
質彬謹啓

(完)



來
件



講壇

●梁任公演講教育與政治

梁任公在中華教育促進社年會開會時演講教育與政治演詞錄下（一）教育是什麼教育是教人學做人學做現代人身子壞了人便活不成或活得無趣所以要給他種種體育沒有幾律看家本事就不能養活自己所以要給他種種智育其他一切教育事項雖然很複雜目的總是歸到學做人這一點人不是單獨做得成總要和別的人連帶着做無論何人一面做地球上一個人一面又做某個家族裡頭的父母或兒女丈夫或妻子一面又做某省某縣某市的住民此外因各人的境遇或者兼做某個學校的教師或學生某個公司的東家或夥計尤其不能免的是無論何人總要做某個國家的國民教育家教人做人不是教他學會做單獨一個人便了還要教他學會做父母做兒女做丈夫做妻子做夥計乃至做國民因為不會做這種種腳色想做單獨一個人決然是做不成的各種腳色裏頭的一種腳色國民在從前是頂容易

做的「日出而作日入而息鑿井而飲耕田而食」只要學會做單獨一個人便算會做國民倒也一點不費事爲什麼呢因爲國家表現出來的活動是政治政治是聖君賢相包辦的用不着國民管倘若能永久是這麼著我們倒不必特別學會做國民纔算會做人如今可不行了漫說沒有聖君賢相便有也包辦不了政治政治的千斤擔子已經硬壓在國民肩膀上來了任憑你怎麼壓惡政治你總不能找一個沒有政治的地方去生活不生活於良政治之下便生活於惡政治之下惡政治的結果怎麼樣呢哈哈不客氣硬叫你們生活不成怎樣纔能脫離政治的災難呢天下沒有便宜事該擔擔子的人大家都把擔子上還要學會擔擔子的方法還要學會擔擔子的能力換句話說一個一個人除了學會爲自己或家族經營單獨生活所必要的本領外還要學會在一個國家內經營共同生活所必要的本領倘若不如此只算學會做半箇人最高也只算得古代的整個人不算得現代的整個人教育家既然要教人學做現代的整個人最少也須劃出一部分工夫教他們學會做政治生活今天講演的標題是教育與政治諸君別要誤會了以爲我要勸國內教育家都拋棄本業來做政治活動以爲我要勸各位教師在學校裏日日和學生高談政治問題以爲我希望各學校教

出來的學生個個都會做大總統國務員或議員這些事不惟做不到而且無益不惟在教育界無益而且在政治界也無益今日所最需要的一如何纔能養成青年的政治意識二如何纔能養成青年的政治習慣三如何纔能養成青年的判斷政治能力三件事裏頭尤以第二件養成習慣爲最要而最難這三件事無論將來以政治爲職業之人或是完全立身於政治以外的人都是必要的我確信這不但是政治上大問題實在是教育上大問題我確信問題不是政治家所能解決獨有教育家纔能解決今日所講便專在這個範圍內請教諸君（一）政治不過團體生活所表現各種方式中之一種所謂學政治生活其實不外學團體生活惟其如此所以不必做實務的政治纔能學會政治生活惟其如此所以在和政治無關的學校裏頭很有餘地施行政治生活的教育今請先說團體教育生活的性質團體生活是變遷的進化的在古代血族團體或階級團體裏頭只要依賴服從便也生活下去他們的生活方法是不必學的自然無所用其教育無奈這類團體在現代是站不住了現代的團體不是靠一兩個人支持是要靠全部團體員支持質而言之非用德謨克拉西方式組成的團體萬萬不能生存於現代非充分了解德謨克拉西精神的人萬萬不會做現代的團體

生活因此怎麼樣纔能教會多數人做團體生活便成了教育上最困難最切要的問題中國現在有一種最狼狽的現象是事實上已經立於不能做現代團體生活的地位然而這種生活從前實現沒有經過換句話說幾千年傳下來的社會組織實在有許多地方和德謨克拉西精神根本相容在這種社會組織底下生活慣了的人一旦叫他作德謨克拉西生活好像在淡水裏生長的黃河鯉魚逼着他要游泳到鹹水的黃海簡直不知道怎麼過法還有一個譬喻可以說今日的中國人正是毛蟲變蝴蝶時代用一番脫胎換骨工夫能變得成便是極美麗極自由的一只蝴蝶如其不然便把性命送掉了我們今日個個人都要發憤學做現代的團體生活如其不肯學或學不會不惟團體嘩喇下去便連個人也決定活不成今日中國最大的危險在此現代團體生活和非代團體生活即德謨克拉西生活和反德謨克拉西生活分別在那裏呢依我所見想做現代團體生活最少要具有下列五個條件第一 凡團體員個個都知道團體是自己的團體的事即是自己的事自己對於團體該做的那一部分事誠心熱心做去絕對不避嫌不躲懶第二 凡團體的事絕對公開令個個團體員都得有與聞且監督的機會第三 每一件事有贊成反對兩派時少數派經過充分


的奮鬥之後仍然失敗則絕對的服從多數斷不肯搗亂破壞第四 多數派也絕對的尊重少數派地位令他們有充分自由發表意見的餘地絕不加以壓迫而且絕對的甘受他們監督第五 個個團體員對於各件事都要經過充分的考慮之後憑自己良心表示贊否絕對不盲從別人更不受別人脅迫這五個條件無論作何種團體生活都要應用應用到最大的團體即國家是便是政治生活拿這五個條件和我前文所講三種需要比對第一項屬於政治意識第二三四項屬於政治習慣第五項屬於判斷政治能力

(未完)



講

技



六



談叢

△縹緗零語

詩貴用事精切一氣渾成句健而詞舉方為正格設一涉浮廓雖屬對至工亦不足道矣如義山井絡一律中有句云堪嘆故君成杜宇可能先主是真龍運典切當了無痕跡可法也

詩家用字最難蓋一字之出須經千錘百鍊恰合分際方得句健如杜審言詩啼鳥驚殘夢飛花攪獨愁謝茂秦渡黃河句云日翻龍窟動風掃雁沙平一鍊驚字攪字一鍊翻字掃字皆所謂詩眼也

詩意須有綿邈不盡之態如王維書事云輕陰閣小雨深院畫慵開坐看蒼苔色欲上人衣來耐人咀嚼

荆溪徐仲堅詩詞均佳其題趙燕甫乘槎海上圖云丈夫生不能封萬戶侯會當邀游

三島與十洲乘槎且問海中去一豁千古雙吟眸趙君英邁真奇絕少年意氣橫胸臆
投筆從戎志未酬乘風破浪豪無匹天風何浪浪海山何蒼蒼蜃樓市倏忽現張帆一
葉任徜徉我聞張騫昔日曾奉使探源星宿身一至携得支機片石歸君今母乃欲類
是披圖不覺心胆雄中流擊楫誰與同試展滄海釣鯨手與爾聳身直泛斗牛宮元氣
淋漓頗能入古

●茜窗漫錄

友梅

詩雖本乎性情惟大奸雄最善掩飾人鮮能窺其底蘊者明嚴嵩如來新成賦詩云無
端世路遶羊腸偶以疎庸得自藏種竹旋添馴鶴徑買山聊起讀書堂開窗古木蕭蕭
籟隱几寒花寂寂香莫笑野人生趣少濯纓隨處有滄浪風雅雋逸若置於淵明放翁
集中誰能別爲嵩之作歟信乎其爲奸雄也至予閱石達開題壁詩大盜亦有團詩書
所不惜黃金若糞土肝胆堅如鐵策馬渡懸崖灣弓射明月人頭作酒盃飲盡仇讐血
弩張劍拔咄咄逼人一望而知爲暗鳴叱咤之徒矣

予愛作六言詩然每作俱不佳偶見友人扇上書卮仙作四章雜誦之餘愛不忍釋亟
錄之以餉同好詩云夜寒風急如何烏啼霜冷凍柯雪若欲來逼歲梅花何處山柯又

銀燭欲殘夜半鐘聲數里人家月到疏林鳥靜石牀冷透霜花又香消多恨綿綿偶到
名園悄然聽得竹爐聲細松枝透出茶煙又落霜滿屋蕭條睡鳥驚風墮巢小犬曉曉
不已莫非山鬼逍遙

昔有詠新月詩者初成二句云初三初四纖纖月不是蛾眉不是弓其下苦思不得續
遲至數年之久見有擊破玉環者悟而續成云誰把玉環敲兩段半沈江海半浮空噫
詩之難如此存餘堂詩話載孟浩然眉毛盡落裴祐袖手衣袖至穿王維走入醋甕益
知其非妄語矣

詩有先成一聯或兩句而後上下敷佐成篇者蓉塘蠶桑塲孫篤山先生初得二句云
高梧籠牖碧瘦竹倚墻青極爲愜意繼乃上繫四句云笑予無別墅蠶室作花廳小院
開三徑羣芳聚一庭下繫二句云十丈迴廊短終朝幾度經遂成偶成一篇此雖不可
爲訓要能見作詩之門徑矣

詠物詩順有滿合方稱佳構曩見人詠棺云猶爲身外物都是個中人詠鏡云到處照
人清澈骨自家背後不分明詠炭云一半黑時還有節十分紅處已成灰詠紙鳶云人
皆仰面誇機捷我獨關心慮線窮以上諸句想見作者當一題到手之時獨具隻眼巧

運匠心非率爾操觚者所能望其項背也詩話在能闡發詩之奧蘊非可以泛泛作也鄙人才如襍線曷足語此祇以麗日方長小窗無俚爰就管見所及者信筆記之藉以就正於方家云爾幸閱者諒之

古詩不調平仄而亦琅琅可誦者要以鍊字鍊白爲先古人重鍊字句一詩既成自具輕重低昂之致今人雖調平仄而字句不穩亦覺鞣斲格傑不合高吟朗詠矣嘗見陸龜蒙苦雨詩云幽樓眠疎窗豪居憑高樓浮漚驚跳（平聲）丸寒聲思重裘牀前垂文竿巢邊登輕舟雖無東臯田還生魚乎憂四十字皆平聲又梅堯臣舟夜即事云月出斷岸口影照別軻背且獨與婦飲頗勝俗客對月漸上我席暝色亦稍退豈必在秉燭此景亦可愛四十字皆仄聲二詩俱輕婉易讀絲毫不形板重古詩重鍊字句而不重調平仄於是可見


今人作詩以五七言爲多五言始於蘇李河梁之吟七言始於漢武柏梁之詠抑知詩有二言三言以迄十一言者二言如黃帝彈歌斷竹康木三言如詩頌振振鷺鷺於飛歌咽咽醉言歸六言如王維送友歸山歌山寂兮無人又蒼蒼兮多木他如李長吉詩酒不到劉伶墳上土八言也杜詩男兒生不成名身已死九言也李白詩黃帝鑄鼎於

荆山鍊丹砂十言也又棄我去者昨日之日不可留亂我心者今日之日多煩憂十一言也

●二若村農聯話

錢次郇太守高才碩學詞章書畫無一不工古文亦有家法予族祖宰寧鄉時拔冠童子軍年甫十二齡耳弱冠投筆從戎以年家子謁左文襄於新疆文襄問有何功名對曰附生文襄曰我營中多下札委附生不合例乃爲捐一同知職銜每謁見長揖不拜自題一聯曰汲長孺爲大將軍揖客班仲升以假司馬出關爲一時所傳誦

吾邑史范才性通脫喜談諧鄰舍有一醫生尤姓年老諱言死一日史戲之曰尤郎中直脚便爲大醫大怒幾欲揮拳茂才曰子毋然看我對來因自嘲曰史先生脫口不成人相與一笑而罷



遊戲詩詞



●時事雜詠

(天南吏隱遺稿)


神州大好此河山幾見旌旂入漢關怪鳥盤旋三島上神龍隱約五雲間落珥(讀平聲)兄弟鬩牆豈徒使人民戰血殷四面烟塵紛割據何時鎮定得開顏

幾人江海擁專城到處飄飄五色旌一往無前酬壯志相時而動倚強兵層層衡嶽雲常起浩浩黃河水不流千里村墟堆白骨口頭猶自說和平

茫茫大地起邊烽嶺樹溼雲隔幾重競說南強和北勝不遑西狩更東封蓋藏久已無餘積軍實依然責獻供敲骨剝膚無止日尙言解甲願歸農

黨錮曾將姓氏標而今踪跡已全銷重重壁畫歸烏有赫赫聲威竟寂寥宰相何人揮玉璽將軍幾輩擁金貂賢奸判別須求早莫使羣陰更立朝

外侮方殷內亂來生民塗炭實堪哀階前莫種忘憂草朝市難營避債台忍使樗蒲拚
一擲聊憑濁酒罄三盃將傾大厦摧頽甚支柱須求梁棟材





瑣聞

●警察學生免除見習原因

吉林警察傳習所學生向例於畢業後派送各區所見習藉資實驗刻聞該所去歲秋季招收之學生現已於本月十八日舉行畢業禮照例應分發見習以符向章惟鍾處長以該班學生於去冬防務吃緊時曾幫同軍警維持輪流出勤自無再行見習之必要特通知蘇所長轉行示知以故該所學生均已於日前回里省視云

●法政考試新生改期

本城江南法政學校招收新生一節已誌本報惟原訂試驗日期為七月二十五日刻以報名者無多屆期恐不易舉行姚校長為變通起見特擬改為八月十日開始試驗以免各縣應考學生因路遠不及來省有向隅之嘆云

●省立圖書館歸併

王代教育廳長以省立圖書館與通俗教育館同屬省立而性質又同爲節省經費起見特擬將省立圖書館歸併於通俗教育館內至遞遺之圖書館舊址撥爲省立中學校外宿舍而原訂爲中學校外宿舍之區立第二高等舊址則由江南法政學校遷回云

●部令選用高師畢業生

教育廳頃奉教育部令開畧謂現據北京高等師範報稱該校教育研究科國文數理英語理化及體育職工專修各科學生均於本年夏季卒業自應按照原案分發各省服務懇請大部行致各省教育廳酌量分用等情據此仰即轉飭各中等學校校長預計下學期應須增派何項教員酌量任用云

●催送軍事教練生

奉天軍事當局爲造就奉吉黑三省軍事人材起見在奉天設立三省軍官教練所一節已誌報端刻聞督軍署接到奉天來電畧謂軍官教練所由奉省應招人數業已足額而吉江兩省報名者均尙未到以致一時未能開學仰即轉飭各軍事機關迅予選送以備早日登校云

中華民國十一年七月二十一日出版 第三十八期

| | | | | |
|----|------|------|--------|--------|
| 期數 | 每期一冊 | 一月三冊 | 半年十八冊 | 全年三十六冊 |
| 定價 | 大洋一角 | 大洋三角 | 大洋二元八角 | 大洋三元六角 |

無論省內省外定閱本報一律不取郵資惟報費須先惠交以便發報報資用郵票者八折空函定報恕不作覆

| | | | | |
|--------|-----|----|-----|------|
| 期數 | 頁數 | 全頁 | 半頁 | 半頁之半 |
| 每旬日一期 | 四 | 元 | 二 | 元 |
| 每月三期 | 八 | 元 | 四 | 元 |
| 三個月九期 | 二十 | 元 | 十 | 元 |
| 半年十八期 | 二十四 | 元 | 十六 | 元 |
| 全年三十六期 | 四十八 | 元 | 二十四 | 元 |
| | | | | 十二元 |

右表列廣告費按大洋核收

主 任 關 潤 章

編 輯 關 鍾 巖

發 行 祖 繩 武

發行所 吉林巴爾虎門觀音堂內院

印刷所 吉林商務同行印刷局

41

10

10

10

10

10

10

10

10

10

10